

149/2



REPUBLIKA E SHQIPËRISË

MINISTRIA E DREJTËSISË

Drejtoria e Përgjithshme e Planifikimit Strategjik dhe Inspektimit të Çështjeve të Drejtësisë
Drejtoria e Inspektimit Gjyqësor dhe Prokurorisë

Nr. 6384 / Prot.

Tiranë, më 02.11 2015

Lënda: Kthim përgjigje kërkesës tuaj për informacion nr.149/15

Drejtuar : Zotit Dorian Matlija
Drejtor Ekzekutiv
Qendra Res Publica

TIRANË

I nderuar z. Matlija,

në përgjigje të kërkesës suaj, protokolluar pranë nesh me nr.prot.6384, datë 12.10.2015, me anë të së cilës kërkon (i) informacion nëse Ministria e Drejtësisë ka iniciuar ndonjë inspektim për gjyqtarët për të cilët është kërkuar verifikimi i vendimeve nga Prokuroria e Përgjithshme; (ii) nëse po cilat janë hapat që ndjekur Ministria e Drejtësisë dhe a janë dërguar këta gjyqtarë për procedim disiplinor në Këshilin e Lartë të Drejtësisë, ju bëjmë me dije se:

Ministria e Drejtësisë ka iniciuar inspektim për 1 nga rastet, para se ky të bëhej publik dhe kërkohej nga Prokuroria e Përgjithshme dhe konkretisht me Urdhrin nr.155, datë 05.03.2014 është urdhëruar, *verifikimi i zbatimit të procedurave gjyqësore penale dhe legjislacionit të posaçëm, të zbatuara në gjykimin e çështjeve penale administrative për vlefësimin dhe caktimin e masës së sigurimit personal ndaj shtetasit V.Z., me qëllim ekstradimin e tij nga Republika e Shqipërisë në Itali*". Për këtë inspektim me shkresën nr. 79/27 datë 5.9.2014 kemi bërë me dije edhe Inspektoriatin e KLD-së

Ndërsa, për dy rastet e tjera bëjmë me dije se nuk janë inspektuar nga ana jonë pasi një veprim i tillë u ndërmor nga Këshilli i Lartë i Drejtësisë, fakt ky i bërë publik edhe në media në datën 4.8.2014. Në këto kushte, në zbatim të Memorandumit të Bashkëpunimit nëpërmjet Ministrit të Drejtësisë dhe Zëvendëskryetarit të Këshillit të Lartë të Drejtësisë, "Për shmangien e mbivendosjes së kompetencave në inspektimin gjyqësor", *Ministria e Drejtësisë nuk mund të kryejë një verifikim të dytë të rasteve në fjalë*.

Në përfundim të inspektimit të kryer mbi bazën e urdhrit nr.155, datë 05.03.2014, ndaj gjyqtarëve të Gjykatës së Apelit Vlorë, meqë vendimi ishte rekursuar në Gjykatën e Lartë u vlerësua që para se të dilet në konkluzionin përfundimtar, të pritej edhe vendimi i kësaj Gjykate, për të vijuar me

procedurën e mëtejshme ligjore. Gjykata e Lartë me vendimin 192/2014, ka vendosur pushimin e gjykitimit, pra nuk e cenoj vendimin objekt kontrolli, rrjedhimisht nuk pati vend për fillim procedimi disiplinor.

Për sa më sipër me shkresën nr. 220/21 datë 8.9.2014 është informuar edhe Prokurori i Përgjithshëm. Po ashtu ju bëjmë me dije se rasti që është inspektuar nga ne është një nga rastet për të cilat ju kemi informuar edhe ju me shkresën 4330/1 datë 1.7.2015 në përgjigje tuajës nr.032/15 .

Duke ju falënderuar për bashkëpunimin, bashkëlidhur gjeni kopje të shkresave të sipërcituara.

SEKRETARE E PËRGJITHSHME

LLAMBRIOLA MISTO





REPUBLIKA E SHQIPËRISË

MINISTRIA E DREJTËSISË

Drejtoria e Përgjithshme e Çështjeve të Drejtësisë

Drejtoria e Inspektimit Gjyqësor dhe Prokurorisë

Nr. 78/27 Prot.

Tiranë, më 5.9 2014

ZNJ. MARSIDA XHA FERLLARI

KRYEINSPEKTORE NË KËSHILLIN E LARTË TË DREJTËSISË

TIRANË

E nderuar znj. Xhaferllari,

në zbatim të Memorandumit të Bashkëpunimit datë 13.09.2012, ndërmjet Ministrit të Drejtësisë dhe Zëvendëskryetarit të Këshillit të Lartë të Drejtësisë "Për shmangien e mbivendosjes së kompetencave në inspektimin gjyqësor", në përgjigje të shkresës tuaj nr.2659/1 datë 04.08.2014, ju bëjmë me dije se:

Ministria e Drejtësisë ka zhvilluar procedurë inspektimi në Gjykatën e Rrethit Gjyqësor Fier dhe Gjykatën e Apelit Vlorë me objekt: *"verifikimi i zbatimit të procedurave gjyqësore penale dhe legjislacionit të posaçëm, të zbatuara në gjykimin e çështjeve penale administrative për vlefësimin dhe caktimin e masës së sigurimit personal ndaj shtetasit V.Z., me qëllim ekstradimin e tij nga Republika e Shqipërisë në Itali"*. Rezultatet e këtij inspektimi do të bëhen të njohura pas përfundimit të shqyrtimit të rekursit nga Gjykata e Lartë.

Duke ju falënderuar për bashkëpunimin,

SEKRETAR I PËRGJITHSHËM

CLAMBRIOLA MISTO



REPUBLIKA E SHQIPËRISË

MINISTRIA E DREJTËSISË

Drejtoria e Përgjithshme e Planifikimit Strategjik dhe Inspektimit të Çështjeve të Drejtësisë
Drejtoria e Inspektimit Gjyqësor dhe Prokurorisë

Nr. 4330/1 Prot.

Tiranë, më 01.07 2015

Lënda: Kthim përgjigje kërkesës tuaj për informacion nr.032/15

Drejtuar : Zotit Dorian Matlija
Drejtor Ekzekutiv
Qendra Res Publica

TIRANË

I nderuar z. Matlija,

në përgjigje të kërkesës suaj, protokolluar pranë nesh me nr.prot.4330, datë 19.06.2015, me anë të së cilës kërkon (i) informacion lidhur me verifikimin e rasteve të paraqitura nga Ministria e Punëve të Brendshme dhe (ii) vënien në dispozicion të Raporteve të kontrollit bazuar në Urdhrit nr.490/2014 dhe 501/2014 të Ministrit të Drejtësisë, ju bëjmë me dije se:

Lidhur me inspektimin e kryer në zbatim të Urdhrit të Ministrit të Drejtësisë nr.490/2014, është ushtruar kontroll në Gjykatat e Rretheve Gjyqësore Korçë, Vlorë dhe Fier për verifikimin e zbatimit të dispozitave procedurale penale në gjykimin e 8 kërkesave për vleftësimin ndalimi/arresti dhe caktimin e masave të sigurimit personal.

Në përfundim të këtij inspektimi ka rezultuar vetëm në 6 raste mosrespektim i dispozitave procedurale lidhur me kriteret e caktimit të masave të sigurimit, nga 5 gjyqtarë. Këto konstatime në zbatim të nenit 31 të ligjit nr. 8811/2001 dhe nenit 35 të ligjit nr. 9877/2008 u janë bërë me dije gjyqtarëve të inspektuar. Në përfundim të analizës së konstatimeve të vërejtura dhe observacioneve të gjyqtarëve është vlerësuar se shkelja nuk ka qenë në atë shkallë që të motivonte fillimin e procedimit disiplinor dhe është vendosur që rasti të mbahej në konsideratë, në rast të konstatimeve të shkeljeve të tjera për këta gjyqtarë në të ardhmen.

Lidhur me inspektimin e kryer në zbatim të urdhrin të Ministrit të Drejtësisë nr.501/2014, është ushtruar kontroll në Gjykatat e Rretheve Gjyqësore Fier, Shkodër, Dibër, Krutë, Gjirrokastër për verifikimin e zbatimit të dispozitave procedurale penale në gjykimin e 6 kërkesave për vleftësimin ndalimi/arresti dhe caktimin e masave të sigurimit personal. Në përfundim të inspektimit është përgatitur raporti i cili është në proces vlerësimi.



REPUBLIKA E SHQIPËRISË
MINISTRIA E DREJTËSISË

MINISTRI

Nr. 22021 Prot.

Tiranë, më 08.09 2014

Lënda: Përgjigje shkresave tuaja nr. 2668, 2669 datë 29.7.2014 dhe nr. 2698 datë 30.7.2014.

Drejtuar: **Z. ADRIATIK LLALLA**

PROKUROR I PËRGJITHSHËM

TIRANË

I nderuar z. Prokuror i Përgjithshëm,

Me shkresat nr.2668, 2669 datë 29.07.2014 dhe nr.2698 datë 30.7.2014, është kërkuar që Ministria e Drejtësisë të vlerësojë procedurën që është ndjekur për vendimmarrjen e gjyqtarëve në disa gjykata të ndryshme të Shqipërisë dhe konkretisht për :

- i. Vendimin e datës 20.02.2014, të Gjykatës së Apelit Vlorë, kryesues Alma Liçaj dhe anëtarë Skënder Damini dhe Gjinovefa Gaba, në caktimin e masës së sigurimit “arrest në shtëpi” për shtetasin Vangjel Zijaj (Arben Gropa) për efekt të shqyrtimit të kërkesës për ekstradim.
- ii. Vendimin e datës 15.07.2014 të gjyqtarës së Gjykatës së Rrethit Gjyqësor Fier, Igerta Hysi, e cila ka vendosur shuarjen e masës së sigurisë “arrest me burg” për efekt ekstradimi, për shtetasin Arben Isufaj, duke vendosur ndaj tij masën e sigurisë “arrest në shtëpi”.
- iii. Vendimin e datës 16.07.2014 të gjyqtarit të Gjykatës së Rrethit Gjyqësor Vlorë, Laurent Fuçia, i cili ka vendosur shuarjen e masës së sigurisë “arrest me burg”, për qëllime ekstradimi, duke urdhëruar lirimin e menjëhershëm për shtetasin Erjon Sadikaj.

Sa më sipër, Ministria e Drejtësisë bën me dije se ka ndjekur në vazhdimësi ecurinë e rasteve të përmendura, ku përmendim se, me Urdhrin nr.155, datë 05.03.2014 është urdhëruar, *verifikimi i zbatimit të procedurave gjyqësore penale dhe legjislacionit të posaçëm, të zbatuara në gjykimin e çështjeve penale administrative për vlefësimin dhe caktimin e masës së sigurimit personal ndaj shtetasit V.Z., me qëllim ekstradimin e tij nga Republika e*

Shqipërisë në Itali". Rezultatet e këtij inspektimi do të bëhen të njohura pas përfundimit të shqyrtimit të rekursit nga Gjykata e Lartë.

Ndërsa, për dy rastet e tjera është Këshilli i Lartë i Drejtësisë që ka nisur procedurën e verifikimit, fakt ky i bërë publik edhe në media në datën 4.8.2014. Në këto kushte, në zbatim të Memorandumit të Bashkëpunimit nëpërmjet Ministrit të Drejtësisë dhe Zëvendëskryetarit të Këshillit të Lartë të Drejtësisë, "Për shmangien e mbivendosjes së kompetencave në inspektimin gjyqësor", *Ministria e Drejtësisë nuk mund të kryejë një verifikim të dytë të rasteve në fjalë*.

Ministria e Drejtësisë garanton edhe një herë se do të ndjekë me vëmendje dinamikën e këtyre rasteve dhe të çështeve të tjera që përbëjnë shqetësim për sistemin e drejtësisë dhe opinionin publik, me qëllim rritjen e transparencës në vendimmarrjen e gjykatave, në drejtim të konsolidimit të shtetit të së drejtës.

Duke ju falënderuar për bashkëpunimin,

MINISTRI
NASIP NAÇO

